

Camgymeriadau wrth siarad ac ysgrifennu

Mae bag fi yn y car. X

Ysgrifennu: **Mae fy mag yn y car.** ✓
Siarad: **Mae 'mag yn y car.** ✓

Roedd dad fe yn gweithio. X

Ysgrifennu: **'Roedd ei dad yn gweithio.** ✓
Siarad: **Roedd 'i dad yn gweithio.** ✓

Sai gyda beiro. X
Fi ddim gyda beiro. X

Ysgrifennu: **Nid oes gennyf feiro./Does dim beiro gennyf i.** ✓
Siarad: **Does dim beiro gyda fi.** ✓

Os mae hi'n braf, cewch chi fynd mas. X

Ysgrifennu: **Os yw hi'n braf, cewch fynd mas/allan.** ✓
Siarad: **Os ydy hi'n braf, cewch fynd mas/allan.** ✓

Mae i gyd o'r llyfr yn dda. X

Mae'r llyfr i gyd yn dda. ✓

O fi gyda mam a dad neithiwr. X

Ysgrifennu: **'Roeddwn (i) gyda mam a dad neithiwr.** ✓
Siarad: **Ro'n i gyda mam a dad neithiwr.** ✓





Mae defnyddio **bod mae /
bod roedd** yn anghywir.





Mae'r gar da am bod
mae e'n gyflym. X

Mae'n gar da am ei
fod e'n gyflym. ✓




Mae Mair yn
llwyddo am bod mae
hi'n gwrando. X

Mae Mair yn llwyddo
am ei bod hi'n
gwrando. ✓



Mae Dafydd a Dei
yno am bod maen
nhw'n gryf. X

Mae Dafydd a Dei
yno am eu bod
nhw'n gryf. ✓



Aeth Geraint i'r
ysbyty am bod
roedd e'n sâl. X

Aeth Geraint i'r
ysbyty am ei fod e'n
sâl. ✓

